

湖州詞徵

三

蘇子知

PDG

湖州詞徵卷十四

歸安朱祖謀輯

吳潛

沁園春 丙辰十月十日

夜雨三更有人敲枕曉檐報晴算頑雲癡霧不難掃蕩
青天白日原自分明權植油幢聊張阜纛坐聽前騶鼓
角鳴君休詫豈宣申南翰成旦東征鴻冥哽咽秋聲
正萬里榆關未罷兵幸揚州上督爲吾石友荊州元帥
是我梅兄約束鯨鯢奠安鼯鼠更使隅夷海晏清連管
看怕天狼隱耀太白沈槍

又戊午自壽

笑指頽齡循環雌甲卦數已圓歎蜀公高潔休官去歲
溫公耆舊入社今年底事崎嶇蒼顏白髮猶擁貔貅護
海堧君恩重算何能報國未許歸田遙憐宛句山前
正水漲溪肥繫釣船縱葵榴花闌菖蒲酒美都成客裏
爭似家邊寄語兒曹若爲翁壽只把鷗盟更要堅翁還
祝願欃槍日靜穰穰雲連

又己未翠山勸農

二十年前君王東顧詔牧此州念昔時豪傑猶難闢闔
如今老大卻更遲留四載相望三春又半邂逅劭農得
縱遊田疇事是桑條正長麥含初抽悠悠身世何求
算七十迎頭合罷休漫繞隄旌纛牽連鷁櫂喧天鼓吹

斷送龍舟翠巘層邊碧雲堆處一擔擔來天外愁如何
好且同斟綠醕自課清謳

寶鼎現

和韻己未元夕

晚風微動淨掃天際雲裾霞綺將海外銀蟾推上相映
華鐙輝萬砌看舞隊向梅梢然盡丹燄玲瓏玉蕊漸陸
地金蓮吐徧恰似樓臺臨水老子歡意隨人意引紅
裙釵寶鈿翠穿夜市珠筵玳席多少吳謳聯越吹繡幕
捲散繽紛香霧籠定團圓錦里認一點星毬挂也士女
桃源洞裏聞說舊日京華搬百戲鐙棚如履待端門
排宴三五傳宣禁侍願樂事這回重見喜慶新開起瞻
聖主齊壽南山勢拱東南百二

書錦堂己未元夕

綺縠團成珠璣擲就極目燈火樓臺七子八仙三教耍
隊相挨管簫笙簧相閒鬪遠如聲韻碧霄來環干炬寶
柵絳紗雲毬霧袞交加 千里人笑樂遊妓合脂塵香
靄籠街盡道今宵節物天與安排晚來風陣全收了夜
闌還放月兒些休辭醉長願每年時候一樣情懷

賀新郎丁巳歲壽叔氏

未是全衰暮但相思昭亭數曲水村煙墅只比兒兒額
上壽尙有時光如許況坎子常交離午煩信火龍能陸
戰更驅他水虎蟠滄浦崑崙頂時飛度 東皇驀向崑
崙遇道如今金階玉陛待卿闕步猶恐荆人攀戀切未

放征帆高舉怕公去狐狸嗥舞江漢一詩誰作者想聲
聲讚祝明良聚天下久望霖雨

又和翁處靜桃源洞韻

拍手欄干外想回頭人非物是不知何世萬事情知都
是夢聊復推遷夢裏也幻出雲山煙水白白紅紅雖褪
盡儘倡條浪蕊皆春意時可醉醉扶起瀛洲舊說神
仙地奈江南猿啼鶴唳怨懷如此三五阿婆塗抹徧多
少殘櫻賸李又過雨亭皋初霽慙愧故人相問訊但一
回一見蒼顏耳誰念我鷓鴣志

又

宇宙原無外問當年渠緣底事強逃人世爭似劉郎栽

種後長恁玄都觀裏何用羨武陵溪水一見桃花還一
笑領春工千古無窮意兒女恨且收起 洞中空闊多
閒地但人閒羊腸九折未能知此我已衰翁君漸老那
復顛張醉李看翻覆雨陰風霽捱得清和時候了艤扁
舟只得歸來耳惟處靜解吾志

又

了卻兒癡外撰園林亭臺館榭漫當吾世紅楯朱橋相
映帶人在百花叢裏更依約垂楊襯水檜柏芙蓉橙桂
菊也還須收拾秋冬意閒坐久忽驚起 繁華寂寞千
年地便淵明桃源記在幾人知此雙手上還銀菟印趁
得東風行李看鄮嶺鄞江澄霽從此歸歟無一欠但君

恩天大難酬耳嗟倦鳥投林志

又和趙丞相見壽

雪鬢難重綠但翛然黃庭境界抱藏龜六也向無何鄉
裏去白墮舟邊漾漾算種種塵緣都足爭那名韁猶繫
絆儘孤他猿鶴雙溪曲時又夏暑將溽 虛舟飄瓦何
煩歎奈羊腸千歧萬折近來純熟悵望老仙煙水外惟
把江雲送目想裴墅碧梧金竹安得結廬相近傍買閒
田數畝躬耕築已夢斷大槐國

又夜來夢遊一所園林臺榭甚飾數羽流在焉余與語
相酬酢有言詩者有言詞者須臾以酒相酌中有一
人舉令云各和古詞一首且目余云相公和葉石林

言後一四
睡起流鶯語余素熟此詞成誦遂援筆廣之擲筆而
寤枕上記憶不遺一字亦異矣以詞意詳之余三上
丐歸之疏君父其從欲乎因錄呈同官諸丈恐可爲
他時一段佳話云

燕子呢喃語小園林殘紅賸紫已無三數綠葉青枝成
步障空有蜂旋蝶舞又寶扇輕搖初暑芳沼拳荷舒展
盡便回頭亂擁宮妝女驚歲月能多許家山占斷鳬
鷗渚最相宜嵐煙水月霧雲霏雨三島十洲雖鐵鑄難
把歸舟繫取且放我漁樵爲與從此細斟昌歎酒沉神
仙洞府無邀阻何待結長生縷

又因夢中和石林賀新郎并戲和東坡乳燕飛華屋

碧沼橫梅屋水平隄雙雙翠羽引雛偷浴倚戶無人深
院靜猶憶棋敲嫩玉還又是朱櫻初熟手縮提鑪香一
炷黯消魂竚立欄干曲閒轉步數修竹新來有箇眉
峰蹙自王姚后魏都褪只成愁獨鳳帶鸞釵宮樣巧爭
奈腰圍倦束漫困倚雲鬟堆綠淡月簾櫳黃昏後把鐙
花印約休輕觸花燼落淚珠簌

又和劉自昭俾壽之詞

寶扇驅纖暑又淒涼蒲觴菰黍異鄉重午巧索從來無
人繫惟對榴花自語也何用謳秦舞楚生愧孟嘗攜一
日歎三千客汗揮成雨如伯始漫台傳循環浩劫無
終古但坤牛乾馬抽換是長生譜安得賤天天便許歸

鍊金翁木父問海運爭如穴處一笑流行還坎止算陳

陳往事俱灰土南墅鶴想思主

田文胡廣皆生於五日

暗香猶記己卯庚辰之閒初識堯章於維揚至己丑嘉

興再會自此契闊聞堯章死西湖嘗助諸丈爲殯

之今又不知幾年矣自昭忽錄示堯章暗香疏影

二詞因信手酬酢并賡潘德久之詩云

曉霜一色正恁時隴上征人橫笛驛使不來借問孤芳
爲誰折休說和羹未晚都付與逋仙吟筆算只是野店
疏籬樵子共爭席 寒圃眾籟寂想暗裏度香萬斛堆
積惱他鼻觀巡索還無最堪憶萼綠堂前一笑封老榦
苔青莓碧春漏也應念我要歸未得

疏影

佳人步玉待月來弄影天挂參宿冷透屏幃清入肌膚
風敲又聽檐竹前村不管深雪閉猶自繞枝南枝北算
平生此段幽奇占壓百花曾獨閒想羅浮舊恨有人

正醉裏姝翠娥綠夢斷魂驚幾許淒涼卻是千林梅屋
雞聲野渡溪橋滑又角引戍樓悲曲怎得知清足亭邊

自在杖藜巾幅

梅聖俞詩云十里清意足
余別墅有梅亭扁曰清足

暗香

雪來比色對淡然一笑休喧笙笛莫怪廣平鐵石心腸
爲伊折偏是三花兩蕊消萬古才人騷筆尙記得醉臥
東園天幕地爲席同首往事寂正雨暗霧昏萬種愁

言得一四
積錦江路悄媒聘音沈兩空憶終是茅檐竹屋難指望
凌煙金碧憔悴了羌管裏怨誰始得

疏影

寒梢砌玉把膽銜頓了相伴孤宿寂寞幽窗篩影橫斜
宜松更自宜竹殘更蝶夢知何處只在昭亭山北問
平生雪壓霜欺得似老枝擎獨何事胭脂點染認桃
與辨杏枝葉青綠莫是冰姿改換紅妝要近金門朱屋
繇華豔麗如飛電但宛轉斷歌零曲且不如藏白收香
旋學世閒邊幅

暗香儀真去城三數里東園梅花之盛甲天下嘉定庚
辰辛巳之交余猶及歌酒其下今荒矣園乃歐公

記君謨書古今稱二絕猶憶其詞云高螢巨桷水
光日影動搖而下上其寬閒深靚可以荅遠響而
生清風此前日之頽垣斷塹而荒墟也嘉時令節
州人士女嘯歌而管絃此前日之晦冥風雨跼蹐
鳥獸之嗥音也令人慨然

淡然絕色記故園月下吹殘龍笛悵望楚雲日日歸心
大刀折猶怕冰條冷蕊輕點污丹青凡筆可怪底屈子
離騷蘭蕙獨前席深院宇更寂正目斷古邗暮靄凝
積何郎舊夢四十餘年尙能憶須索梅兄一笑但矯首
層霄空碧春在手人在遠倩誰寄得

末段懷故人

疏影

嗤瓊笑玉向畫堂可肯風露邊宿耐凍禁寒便瘦宜枯
前身莫是孤竹從來不上春工譜夢不到沈香亭北算
只消淡影疏香伴箇幽棲人獨莫待癡蜂駭蝶倩青
女捺住多少紅綠落雁寒蘆翠鳥冰枝近傍三閒茅屋
□□□□□□□□□□□□想這般夷曠襟懷
渺視乾員坤幅

暗香用韻賦雪

九垓共色想洛濱劍客吹呼長笛獬豸老松別樹平欺
爛柯折應是千官鶴舞騰賀表誰家椽筆賜宴也內勸
宣來眞箇是瑤席休怪巷陌寂有一種可人掃了還
積悲肌閉戶僵臥袁安我偏憶凝望天童列嶂誰大膽

偷藏遙碧待問訊清友看怕難認得

疏影

千門委玉是箇人富貴纔隔今宿冒棟摧檐都未商量
呼童且伴庭竹千蹊萬徑行蹤滅渺不認溪南溪北問
白鷗此際誰來短艇釣魚翁獨偏愛山茶雪裏放紅
豔數朵衣素裳綠獸炭金鑪羔酒金鍾正好笙歌華屋
敲冰煮茗風流襯念不到有人洞曲但老農歡笑相呼
麥被喜添全幅

水龍吟 戊午元夕

十洲三島蓬壺是花錦一團裝就輕車細輦綺羅香裏
夜光如晝朱戶笙簫畫樓簾幕有人回首想金蓮燦爛

言後一四
星毬縹緲那風景年時舊 應念白頭太守怎紅旗六
街穿透鋪排玳席追陪珠履且醺春耐楚舞秦謳半慵
鶯舌疊翻鴛袖把千門喜色萬家和氣祝君王壽

永遇樂己未元夕

和氣薰來這般光景管無風雨畫棟朱甍錦坊繡巷娘
子將嫖母星毬高挂鐙樓趲出良夜正消增五遨頭事
牙旗鐵馬且還那時鄞府 甘泉見說捷書頻奏漸次
不煩鼙鼓雙鳳雲閒六鼇海上祝讚齊手舞三呼聲裏
君王萬壽歲歲傳柑笑語便都把昇平舊曲腔兒旋補
又

天上人間這般光景管無風雨繡戶珠簾錦坊花巷戲